

Polugodišnji bilten

januar - juni 2020. godine

**MINISTARSTVO SIGURNOSTI BOSNE I HERCEGOVINE
ODSJEK ZA BORBU PROTIV TRGOVINE LJUDIMA**

UNUTAR OVOG IZDANJA

STATISTIČKI PODACI O ŽRTVAMA TRGOVINE LJUDIMA ZA PERIOD JANUAR – JUNI 2020. GODINE, IZVJEŠTAJ STATE DEPARTAMENTA O TRGOVINI LJUDIMA, SPORAZUM O OBJEDINJAVANJU SREDSTAVA ZA POMOĆ I SMJEŠTAJ DOMAĆIH I STRANIH ŽRTAVA TRGOVINE LJUDIMA, PRAVNA POMOĆ I ZASTUPANJE ŽRTAVA TRGOVINE LJUDIMA, ANALIZA KRIVIČNIH PREDMETA IZ OBLASTI TRGOVINE LJUDIMA, EDUKACIJA IZ OBLASTI TRGOVINE LJUDIMA, OBUKA ZA PRAVNIKE I PRAVNE ZASTUPNIKE O PRUŽANJU PRAVNE POMOĆI I ZASTUPANJU ŽRTAVA TRGOVINE LJUDIMA, SARADNJA WORLD VISION-a BIH SA NEVLADINIM ORGANIZACIJAMA „ZEMLJA DJECE U BIH“ I „KALI SARA - ROMSKI INFORMATIVNI CENTAR“, JAČANJE KAPACITETA ZA SUPROTSTAVLJANJE TRGOVINI LJUDIMA, HELP ONLINE OBUKE „TRGOVINA LJUDIMA“, ISTRAŽIVANJA I KAMPANJE ZA PODIZANJE SVIJEŠTI O TRGOVINI LJUDIMA U BOSNI I HERCEGOVINI, INTERVENTA POMOĆ KORISNICIMA POGOĐENIM POSLJEDICAMA PANDEMIJE, MEDIJSKA KAMPANJA ZA UPOZORAVANJE NA KRŠENJE RADNIH PRAVA I POVEĆANJE RIZIKA OD RADNE EKSPLOATACIJE U TOKU I NAKON OKONČANJA PANDEMIJE, KAMPANJA PODIZANJA SVIJEŠTI JAVNOSTI O KRŠENJU RADNIH PRAVA I POVEĆANOM RIZIKU OD TRGOVINE LJUDIMA U SVRHU RADNE EKSPLOATACIJE U DOBA PANDEMIJE, AKTIVNOSTI UDRUŽENJA „NOVI PUT“ MOSTAR, MJERE PODRŠKE U BIH KAO ODGOVOR NA COVID-19, PROCJENA PRIMJENE PROTOKOLA ZA POSTUPANJE U SLUČAJU PROSJAČENJA DJECE U TK U PERIODU 2015. - 2019. GODINA, AKTIVNOSTI KOORDINACIONOG TIMA ZA BORBU PROTIV TRGOVINE LJUDIMA TUZLANSKOG KANTONA, SEKTORSKE OBUKE ZA PREDSTAVNIKE NADLEŽNIH INSTITUCIJA U MEHANIZMU BORBE PROTIV TRGOVINE LJUDIMA U BIH, JAČANJE KAPACITETA ZA IDENTIFIKACIJU TRGOVINE LJUDIMA U MJEŠOVITIM MIGRACIONIM TOKOVIMA, STATISTIČKI PORTAL ZA IDENTIFIKOVANE ŽRTVE TRGOVINE LJUDIMA, PODRŠKA USPOSTAVI LOKALNIH KOORDINACIONIH TIMOVA I IZRADI LOKALNIH AKCIONIH PLANOVA, SASTANAK MREŽE SPECIJALIZOVANIH TUŽILACA I ISTRAŽILACA ZA BORBU PROTIV TRGOVINE LJUDIMA, POSJETA PREDSTAVNIKA USAID-a U BOSNI I HERCEGOVINI, IZRADA MINIMALNIH STANDARDNA ZA PRUŽANJE KVALITETNE POMOĆI I ZAŠTITE ZA ŽRTVE TRGOVINE LJUDIMA U BIH, IZRADA STATISTIČKOG PREGLEDA STRUČNJAKA UNUTAR DRŽAVNOG REFERALNOG MEHANIZMA U BIH KOJI IMAJU SPECIFIČNA ZNANJA I VJEŠTINE IZ OBLASTI SUZBIJANJA TRGOVINE LJUDIMA, SPORAZUM O NAUČNOJ, OBRAZOVNOJ I STRUČNOJ SARADNJI, OBUKA ZA STUDENTE, PRIRUČNIK ZA PRAVNIKE I PRAVNE ZASTUPNIKE NA PRUŽANJU ADEKVATNE PRAVNE POMOĆI I ZASTUPANJA ŽRTAVA TRGOVINE LJUDIMA U BIH, UČEŠĆE NA REGIONALNOJ KONFERENCIJI U BEOGRADU,

STATISTIČKI PODACI O ŽRTVAMA TRGOVINE LJUDIMA ZA PERIOD JANUAR – JUNI 2020. GODINE

Prema podacima Odsjeka za borbu protiv trgovine ljudima Ministarstva bezbjednosti BiH, u periodu od januara do juna 2020. godine, u Bosni i Hercegovini identifikovano/asistirano je ukupno 48 potencijalnih žrtava trgovine ljudima.

Od ukupnog broja potencijalnih žrtava trgovine ljudima (48) u periodu od januara do juna 2020. godine, 32 žrtve su ženskog pola, 11 žrtava su muškog pola, a 5 žrtava su nepoznatog pola.

Od ukupnog broja potencijalnih žrtava trgovine ljudima (48) u periodu od januara do juna 2020. godine, 26 žrtava su punoljetne (19 su ženskog pola, a 6 muškog), a 22 žrtve su maloljetne (13 su ženskog pola, a 5 muškog).

Od ukupnog broja potencijalnih žrtava trgovine ljudima (48) u periodu od januara do juna 2020. godine, evidentirani su sljedeći oblici eksploatacije:

- 24 prosjačenja,
- 12 seksualnog iskorištavanja i
- 12 drugih oblika iskorištavanja.

Od ukupnog broja potencijalnih žrtava trgovine ljudima (48) u periodu od januara do juna 2020. godine, 5 žrtava su strani državljani, a 43 žrtve su državljani Bosne i Hercegovine.

Kada su u pitanju strani državljani, od ukupno 5 žrtava: 2 žrtve su državljani Sirije (2 punoljetne / ženskog pola i muškog pola), 1 žrtva je iz Afganistana (maloljetna / muškog pola) i 2 žrtve su državljani Irana (1 punoljetna / ženskog pola i 1 maloljetna / ženskog pola).

Tokom navedenog vremenskog perioda u sigurnim kućama / skloništima asistirano je 26 potencijalnih žrtava trgovine ljudima dok 22 potencijalne žrtve trgovine ljudima nisu asistirane u sigurnim kućama / skloništima.

IZVJEŠTAJ STATE DEPARTAMENTA O TRGOVINI LJUDIMA

Državni sekretarijat Sjedinjenih Američkih Država (State Department) je krajem juna objavio Izvještaj o trgovini ljudima, zbog čega je Američka ambasada u Sarajevu upozorila da je Bosna i Hercegovina treću godinu zaredom na nivou dva njihove klasifikacije i da rizikuje da padne na najniži nivo ukoliko hitno ne poveća napore u borbi protiv trgovine ljudima. Podsjećamo, State Department u Izvještaju o stanju trgovine ljudima, koji se objavljuje svake godine, rangira države u četiri grupe (grupa 1, grupa 2, grupa 2 „watch list“ i grupa 3) u zavisnosti od njihove uspješnosti u borbi protiv trgovine ljudima. U izvještaju se dalje navodi: „Vlasti Bosne i Hercegovine se ne pridržavaju u potpunosti minimalnih standarda za eliminiranje trgovine ljudima, ali ulažu značajna nastojanja u tom pravcu. Među tim nastojanjima je bila i organizacija radnih grupa s predstavnicima vlasti i civilnog društva od strane Državnog koordinatora za borbu protiv trgovine ljudima, koje su

bile zadužene za izradu državne strategije koju je vlada usvojila u januaru 2020. godine. Organi vlasti su identificirali više žrtava i Tužilaštvo BiH je imenovalo jednog tužioca u Udarnu grupu za borbu protiv trgovine ljudima – jedini mehanizam za koordinaciju nastojanja policije i tužilaštava među entitetima. Vlasti su revidirale strukturu i smjernice regionalnih koordinacionih timova radi povećanja njihove djelotvornosti. Međutim, vlasti nisu pokazale generalno veća nastojanja u poređenju s prethodnim izvještajnim periodom. Nisu imale usvojen državni budžet, zbog čega je bilo odloženo finansiranje aktivnosti u borbi protiv trgovine ljudima. Policija i tužilaštvo su i dalje redovno vodili istrage u predmetima trgovine ljudima kvalificirajući je kao lakša djela, dok su sudije i dalje izricale kazne ispod minimalno propisanih, čemu su skloni u svim krivičnim predmetima u Bosni i Hercegovini. Istrage i krivična gonjenja nisu bila usmjerena na žrtve, a Udarna grupa za borbu protiv trgovine ljudima je i dalje neefikasna. Osim toga, vlasti su izricale presude žrtvama i nisu dodjeljivale godišnja sredstva nevladinim organizacijama za zaštitu žrtava, dok organizacije koje pružaju pomoć žrtvama i dalje nemaju resurse i nisu bile u stanju pružiti pomoć svim domaćim žrtvama. S obzirom da su vlasti dodijelile dovoljno resursa za pisani plan koji će, ako bude proveden, predstavljati značajno nastojanje u pravcu ispunjenja minimalnih standarda, Bosni i Hercegovini je prema Zakonu o zaštiti žrtava trgovine ljudima odobreno izuzeće od spuštanja na nivo 3. Stoga, Bosna i Hercegovina ostaje na nivou „2 Nadzorne liste“ treću godinu zaredom“.

SPORAZUM O OBJEDINJAVANJU SREDSTAVA ZA POMOĆ I SMJEŠTAJ DOMAĆIH I STRANIH ŽRTAVA TRGOVINE LJUDIMA

Ministarstvo bezbjednosti Bosne i Hercegovine je početkom godine pokrenulo inicijativu za objedinjavanje sredstava za pomoć i smještaj žrtava trgovine ljudima, domaćih i stranih. Proteklih godina Ministarstvo bezbjednosti je iz svog budžeta obezbjeđivalo sredstva za smještaj i zbrinjavanje stranaca žrtava trgovine ljudima u iznosu od 70.000,00 KM, dok je Ministarstvo za ljudska prava i izbjeglice iz svog budžeta obezbjeđivalo sredstva za smještaj i zbrinjavanje žrtava trgovine ljudima državljana BiH u iznosu od 60.000,00 KM. Ministarstvo za ljudska prava i izbjeglice se saglasilo da se sredstva kojim ono raspolaže za pomoć i smještaj žrtava trgovine ljudima u BiH, prebace na budžetsku stavku Ministarstva bezbjednosti, odnosno da se sredstva ova dva ministarstva objedine. Slijedom naprijed iznesenog u mjesecu maju tekuće godine, između Ministarstva bezbjednosti i Ministarstva za ljudska prava i izbjeglice potpisan je „Sporazum o udruživanju i načinu realizacije sredstava za nevladine organizacije koje zbrinjavaju žrtve trgovine ljudima u budžetu institucija Bosne i Hercegovine i međunarodnih obaveza Bosne i Hercegovine“. Objedinjavanjem pomenutih sredstava unaprijediće se koordinacija svih aktivnosti na zaštiti žrtava i njihovih osnovnih ljudskih prava.

PRAVNA POMOĆ I ZASTUPANJE ŽRTAVA TRGOVINE LJUDIMA


U periodu od januara do juna 2020. godine, Centar ženskih prava iz Zenice nastavio je pravno zastupanje i podršku oštećenoj krivičnog djela „Trgovina maloljetnim licima“ iz čl. 198. b. st. (1) Krivičnog zakona Republike Srpske (KZ RS), u kojem predmetu je po prvi put u BiH u okviru krivičnog postupka za oštećenu žrtvu trgovine ljudima u potpunosti ostvaren imovinskopravni zahtjev za naknadu štete u iznosu od 7.500,00 KM. Trenutno se čeka odluka Vrhovnog suda RS-a po žalbi odbrane, tako da navedena presuda još nije pravosnažna.

U drugom predmetu gdje je zastupana žrtva trgovine ljudima, tačnije u dijelu koji se odnosi na imovinskopravni zahtjev maloljetne oštećene krivičnim djelima iz čl. 146. „Trgovina djecom“ i član 172. „Obljuba sa djetetom mlađim od petnaest godina“ KZ RS, optuženi su oslobođeni optužbe.

Centar ženskih prava iz Zenice je u navedenom periodu pružao pravnu asistenciju i u predmetu gdje su postojale indicije da se radi o trgovini ljudima, a radilo se o migrantkinji, međutim oštećena je odustala od daljeg procesa. osansko-podrinjskom kantonu, Istočnom Sarajevu i u opštinama Jajce, Žepče, Maglaj i Zavidovići.

ANALIZA KRIVIČNIH PREDMETA IZ OBLASTI TRGOVINE LJUDIMA

U okviru projekta Balkan act Now (BAN – faza III) realiziran je projekat pod nazivom „Kroz lavirint institucionalne zaštite, do ostvarenja prava žrtava trgovine ljudima“. U okviru projekta urađena je analiza krivičnih predmeta iz oblasti trgovine ljudima u BiH koja je usmjerena na poboljšanje zakonodavnog okvira u procesuiranju i suzbijanju djela trgovine ljudima, kao i razvijanje javnih politika orijentiranih ka unaprijeđenju institucionalnog odgovora za stvaranje funkcionalnijeg i efikasnijeg modela zaštite žrtava trgovine ljudima. Analiza je fokusirana na materijalno pravne aspekte (pravnu kvalifikaciju, kaznenu politiku, primjenu olakšavajućih i otežavajućih okolnosti) kao i procesnopravne aspekte (položaj oštećenih, ostvarivanje naknade štete putem imovinskopravnih zahtjeva). Prikupljanje podataka vršeno je u periodu od decembra 2019. godine to marta 2020. godine na 23 suda u Bosni i Hercegovini: Sud BiH, općinski i kantonalni sudovi u FBiH: KS i OS Zenica, KS i OS Sarajevo, KS i OS Tuzla, KS i OS Bihać, KS Novi Travnik, OS Bugojno; osnovni i okružni sudovi u RS-u: OS i OKS Banja Luka, OS i OKS Doboj, OS i OKS Trebinje, OS i OKS Bijeljina, OS Višegrad, OS Istočno Sarajevo; Brčko distrikt: Apelacioni i Osnovni sud Brčko distrikta. Nalazi i preporuke iz Analitičkog izvještaja dostupni su na linku: <https://cenppz.org.ba/analiza-pracjenja-krivicnih-predmeta-u-oblasti-trgovine-ljudima-u-bih/>.



Najznačajniji nalazi i preporuke Analitičkog izvještaja, u skladu sa uvjetima rada uslijed pandemije COVID-19, prezentirani su stručnoj javnosti 12.05.2020. godine na sastanku organizovanom putem Zoom aplikacije. Državni koordinator za borbu protiv trgovine ljudima, Samir Rizvo, istakao je da će ovaj Izvještaj sigurno dati smjernice za otklanjanje nedostataka u pravnom sistemu BiH kada je u pitanju trgovina ljudima.



EDUKACIJA IZ OBLASTI TRGOVINE LJUDIMA

U mjesecu junu realizirane su dvije trening sesije pod nazivom „Unaprijeđenje položaja žrtava trgovine ljudima u pravnom i institucionalnom sistemu“ za profesionalce/ke – pripadnike/ce policijskih uprava i stanica, centara za socijalni rad i domova zdravlja sa područja Zeničko-dobojskog kantona. Realizacijom ovakvih seminara dajemo doprinos ostvarenju Strateškog cilja 2 Akcionog plana BiH za implementaciju Rezolucije Vijeća sigurnosti UN 1325 „Žene, mir, sigurnost“ za period 2018.-2022. Aktivnost je podržana iz sredstava FIGAP II programa i Agencije za ravnopravnost spolova Bosne i Hercegovine.



OBUKA ZA PRAVNIKE I PRAVNE ZASTUPNIKE O PRUŽANJU PRAVNE POMOĆI I ZASTUPANJU ŽRTAVA TRGOVINE LJUDIMA

Tokom 24. i 25. juna 2020. godine u organizaciji Međunarodnog foruma solidarnosti – EMMAUS održana je obuka za pravnike i pravne zastupnike o pružanju pravne pomoći i zastupanja žrtava trgovine ljudima u postupcima pred sudom u sklopu projekta: „Pristup prevenciji trgovine ljudima u Bosni i Hercegovini fokusiran na žrtvu: poboljšanje identifikacije, zaštite i pristupa pravdi – VICAPT“ ; Komponenta B. Tim povodom Aida Ćosić ispred Centra ženskih prava iz Zenice bila je jedna od panelistica i govorila na temu „Pružanja pravne pomoći i zastupanje žrtava trgovine ljudima u krivičnom postupku sa posebnim aspektom na senzibilizirani pristup i posebnosti u zastupanju klijenata žrtava trgovine ljudima“. Poseban akcenat bio je na slučaju dosuđene naknade štete žrtvi trgovine ljudima ostvarenoj u okviru krivičnog postupka, što je prvi takav slučaj u BiH. Osim toga, predstavnica Udruženja „Vaša prava BiH“, Amra Kadrić, uzela je učešće na obuci kao jedan od predavača sa temom „Imovinskopravni zahtjev u parničnom postupku“, uz osvrt na strance žrtve trgovine ljudima, odnosno osobe u sklopu mješovitih migracionih kretanja kojim je trenutno obuhvaćena i Bosna i Hercegovina. opšta javnost treba dobiti više informacija o ovom pitanju i ohrabriti stvaranje mreže podrške za žrtve.



SARADNJA WORLD VISION-a BIH SA NEVLADINIM ORGANIZACIJAMA „ZEMLJA DJECE U BIH“ I „KALI SARA - ROMSKI INFORMATIVNI CENTAR“



U saradnji sa partnerima, nevladinim organizacijama „Zemlja djece u BiH“ i „Kali Sara - Romski informativni centar“, World Vision BiH je od juna ove godine započeo sprovođenje projekta „Jačanje lokalnih kapaciteta za borbu protiv trgovine ljudima u BiH“ kojeg finansira State Department.

Glavna namjera projekta je da pruži podršku u izgradnji kapaciteta vladinih i lokalnih aktera u oblasti suprotstavljanja trgovini ljudima kako bi se unaprijedili odgovori na potrebe sprečavanja, suzbijanja i pružanja zaštite žrtvama trgovine ljudima u Bosni i Hercegovini.

S tim u vezi, nakon usvajanja Strategije suprotstavljanja trgovini ljudima u BiH 2020-2023, u saradnji sa Uredom državnog koordinatora za borbu protiv trgovine ljudima, iniciran je proces za izradu Akcionog plana za borbu protiv trgovine ljudima 2020-2023 za institucije BiH. Ministarstvo sigurnosti BiH je donijelo Odluku o formiranju radne grupe za izradu ovog dokumenta, a World Vision BiH je osigurao podršku u angažiranju konsultanta koji će, koristeći istu metodologiju rada, pružiti neophodnu stručnu podršku za izradu Akcionog plana kako za institucije BiH tako i na kantonalnom nivou. Podršku lokalnim koordinacionim timovima za borbu protiv trgovine ljudima u izradi njihovih Akcionih planova, World Vision BiH sprovodi u saradnji i koordinaciji sa IOM organizacijom. su internet, druženje sa nepoznatima, izlaske u noćne klubove, te konzumiranje psihoaktivnih supstanci.

JAČANJE KAPACITETA ZA SUPROTSTAVLJANJE TRGOVINI LJUDIMA

U saradnji sa centrima za edukaciju sudija i tužilaca u RS i FBiH, Misija OSCE-a u BiH organizovala je dvije obuke o trgovini ljudima sa fokusom na najbolje prakse u procesuiranju krivičnih djela povezanih sa trgovinom ljudima. Prva obuka je održana u prostorijama Centra za edukaciju sudija i tužilaca FBiH u Sarajevu, 28. februara 2020. godine, dok je druga obuka organizovana u formi webinar, 2. juna 2020. godine. Preko 90 sudija i tužilaca je prisustvovalo ovim obukama a na istima su predstavljene najnovije publikacije koje imaju za cilj da poboljšaju krivično gonjenje trgovine ljudima: [Priručnik za provođenje istraga u predmetima trgovine ljudima](#), te publikaciju pod nazivom [Praćenje tokova novca: Sažeti prikaz publikacija i detaljni vodič za finansijske istrage u vezi sa trgovinom ljudima](#).



Pored toga, Misija je, u saradnji sa UNHCR-om, UNICEF-om i IOM-om organizovala online obuku o trgovini ljudima za osoblje navedenih organizacija, koji rade i u prihvatnim centrima za izbjeglice i migrante.

HELP ONLINE OBUKE „TRGOVINA LJUDIMA“

U okviru zajedničkog programa Evropske unije i Vijeća Evrope „Horizontal Facility za zapadni Balkan i Tursku II“, razvijen je novi instrument za Bosnu i Hercegovinu, online kurs o trgovini ljudima, dostupan profesionalcima koji su uključeni u borbu protiv trgovine ljudima. Na inicijativu Centra za obuku sudija i tužilaca Federacije Bosne i Hercegovine (CEST FBiH), te u saradnji sa Centrom za obuku sudija i tužilaca Republike Srpske (CEST RS), projekat je pokrenuo *inicijalni HELP¹ modul Vijeća Evrope „Trgovina ljudima“ na bosanskom jeziku, putem web striminga 31. marta 2020. godine.*

Prilagođen specifičnim potrebama pravnih stručnjaka i pravnom sistemu u BiH, online kurs „Trgovina ljudima“ ima za cilj jačanje kapaciteta pravnih stručnjaka za otkrivanje, identifikaciju, istragu, procesuiranje i kažnjavanje slučajeva trgovine ljudima i zaštitu prava žrtava u skladu sa standardima Konvencije Vijeća Evrope o akciji protiv trgovine ljudima.

Uz još *dva dodatna kursa, koja su počela 27. i 28. maja*, projekat „Prevenција i borba protiv trgovine ljudima u BiH“ Evropske unije i Vijeća Evrope, animirao je oko 80 polaznika (pravnih stručnjaka, sudija, tužioca, profesora i studenata pravnih fakulteta, predstavnika mreže specijaliziranih tužitelja i istražitelja, policijskih službenika, inspektora te predstavnika međunarodnih organizacija) da se uključe u ovu vrstu edukacije. Putem organizovanih online sastanaka, učesnici online obuka „Trgovina ljudima“, imali su priliku razgovarati sa tutorima obuka o svim relevantnim temama iz ove oblasti, između ostalog i o glavnim stavkama izvještaja GRETA-e o situaciji u BiH, sa eksperticom iz oblasti trgovine ljudima i koautoricom HELP online obuke Lilijanom Sorentino.



¹ HELP - Human rights education for legal professionals

ISTRAŽIVANJA I KAMPANJE ZA PODIZANJE SVIJESTI O TRGOVINI LJUDIMA U BOSNI I HERCEGOVINI

Kako bi se integrirala rodna perspektiva i promovirala ravnopravnost spolova u aktivnostima i odgovorima na trgovinu ljudima, projekat „Prevenција i borba protiv trgovine ljudima u BiH“ koji djeluje u sklopu zajedničkog programa Evropske unije i Vijeća Evrope „Horizontal Facility za zapadni Balkan i Tursku II“, realizirala je istraživanje „Rodna analiza u području trgovine ljudima u BiH“. Istraživanje, koje je završeno u aprilu ove godine, stavlja naglasak na trgovinu ljudima u svrhu radne eksploatacije i trgovinu djecom i daje rodnu perspektivu postojećih pravnih i političkih okvira i inicijativa. Dokument pruža niz konkretnih preporuka koje će podržati projekat i institucije korisnice u provedbi relevantnih GRETA preporuka.

Dvije istraživačke studije vezane za trgovinu ljudima u svrhu radne eksploatacije i fenomen trgovine djecom, započete u 2020. godini, sada su u završnoj fazi. Finalni izvještaji (analiza stanja, zaključci i preporuke) će biti finalizirani u drugoj polovini ove godine.

Projekat je počeo sa **implementacijom kampanja za podizanje svijesti o trgovini ljudima u svrhu radne eksploatacije u Bosni i Hercegovini** u junu 2020. godine, kroz dodjelu bespovratnih sredstava dvjema nevladinim organizacijama – NVO „Lara“ i „Ja bih u EU“. Kroz ponuđene projekte pod nazivima „Trgovina ljudima u svrhu radne eksploatacije se dešava – Prepoznaj i zaštiti se“ i „#Provjeri prvo“, ove dvije NVO će širom BiH kroz svoje aktivnosti približiti ovu tematiku široj populaciji, sa ciljem doprinosa prevenciji i smanjenju rizika od trgovine ljudima u BiH, sa fokusom na prisilni rad i druge oblike radne eksploatacije.



INTERVENTA POMOĆ KORISNICAMA POGOĐENIM POSLJEDICAMA PANDEMIJE

Želeći da na simboličan način odgovori na situaciju uzrokovanu pojavom virusa Covid-19, sekretarijat Mreže RING je početkom marta donio odluku da dio sredstava iz Interventnog fonda Mreže usmjere na pomoć korisnicama koje su najviše pogođene posljedicama pandemije.

U ovu akciju bilo je uključeno 10 udruženja, članica Mreže: Udruženje žena Romkinja „Bolja budućnost“ Tuzla, UG „Budućnost“ Modriča, UŽ „Derventa“ Derventa, UŽ „Goraždanke“ Goražde, Fondacija „Lara“ Bijeljina, UŽ „Maja“ Kravica, UŽ „Most“ Višegrad, Udruženje „Romska djevojka – Romani ćej“ Prnjavor, Fondacija „Udružene žene“ Banjaluka i Udruženje „Žena BiH“ Mostar i tom prilikom je pomoć u vidu paketa koji su sadržavali hranu, higijenu i lijekove uručena za preko 300 žena kojima je ta pomoć bila najpotrebnija. Među njima su bile bivše korisnice sigurnih kuća, žene žrtve nasilja u porodici, nezaposlene žene, majke djece sa posebnim potrebama, samohrane majke, žene koje su ostajale bez posla zbog pandemije, korisnice socijalne pomoći, žene na selu koje su bez posla...

Kao posebno ranjiva grupa su se pokazale romske porodice, koje inače zarađuju od prikupljanja sekundarnih sirovina, što je tokom pandemije bilo nemoguće, kao i žene koje su radile u ugostiteljstvu, proizvodnji ili obavljale poslove čišćenja, jer su ostajale bez redovnih primanja zbog pandemije, a vrlo često su one jedine u porodici imale stabilne prihode.

Posebna vrijednost ove aktivnosti je hitnost realizacije pomoći, koja je dostavljena u prvom mjesecu proglašenja pandemije, kada je i bila najpotrebnija, kao i operativnost udruženja koja su pomoć dostavila uz sve preporučene mjere zaštite.

MEDIJSKA KAMPANJA ZA UPOZORAVANJE NA KRŠENJE RADNIH PRAVA I POVEĆANJE RIZIKA OD RADNE EKSPLOATACIJE U TOKU I NAKON OKONČANJA PANDEMIJE

Članice Mreže RING su krajem maja 2020. godine provele medijsku kampanju za upozoravanje na kršenje radnih prava i povećanje rizika od radne eksploatacije u toku i nakon okončanja pandemije. Cilj je bio da do što većeg broja građana/ki pošaljemo poruku o tome koji su osnovni oblici radne eksploatacije, da pandemija Covid-19 ne smije biti izgovor poslodavcima da krše radna prava, i poziv da se obrate članicama Mreže ukoliko žele da prijave radnu eksploataciju.

S obzirom na preporuke o samoizolaciji i izbjegavanje socijalnih kontakata, jedan od najboljih načina da poruke stignu do što većeg broja ljudi jesu mediji, a mi smo za ovu kampanju izabrali 10 radio stanica sa velikom geografskom pokrivenošću i značajnim brojem slušalaca sa područja gotovo cijele BiH: Radio Zenica, RTV Slon Tuzla, Hit radio Brčko, Radio dobre vibracije Mostar, Radio Slobomir Bijeljina, Pan radio Bijeljina, Radio Osvit Zvornik, Radio postaja Orašje, Radio Ljubić i Radio Višegrad. Tokom deset dana trajanja kampanje, džinglovi koji su kreirani za ovu svrhu su emitovani 985 puta, što je gotovo sedam sati radijskog programa.

Neke od radio stanica su pokazale dodatnu zainteresovanost za ovu temu, pa su prostor ustupili i za gostovanje u informativnim emisijama.

Ono što je bio dodatni motiv za realizaciju jedne ovakve kampanje, bila je želja da pomognemo rad malih nezavisnih medija kojima su prihodi znatno smanjeni zbog manjeg broja plaćenih oglasa privrednih subjekata, koji su morali da obustave svoj rad zbog okolnosti vanredne situacije/stanja i uvođenje mjera entitetskih i državnih vlasti u cilju sprečavanja širenja zaraze.



KAMPANJA PODIZANJA SVIJEŠTI JAVNOSTI O KRŠENJU RADNIH PRAVA I POVEĆANOM RIZIKU OD TRGOVINE LJUDIMA U SVRHU RADNE EKSPLOATACIJE U DOBA PANDEMIJE

Zbog posljedica izazvanih pandemijom COVID-19, kao organizacija i kao Mreža smo odlučili da se ozbiljnije pozabavimo problemima radno-sposobnog stanovništva u BiH, budući da su radna prava kršena u znatno većoj mjeri nego inače. Nedovoljna informisanost građana/ki o pravima koja su im garantovana zakonom, dala je poslodavcima slobodu da samovoljno raskidaju i/ili mijenjaju ugovore, ostavljajući radnike/ce nezaštićene, često bez ikakvih sredstava za život.

Kroz male kampanje koje su u toku maja 2020. godine realizovale članice Mreže RING u toku (UŽ „Derventa” Derventa, UG „Budućnost” Modriča. Centar ženskih prava Zenica, UŽ „Maja” Bratunac, UŽ „Most” Višegrad, „Žena BiH” Mostar, UŽ „Goraždanke” Goražde, UREM „Siguran korak” Bijeljina, „Novi put” Mostar i Udruženje HO „Horizonti” Tuzla), željeli smo ohrabriti građane/ke BiH da se informišu o svojim pravima, upućujući ih na adrese gdje bi se mogli obratiti za pomoć i savjet.

Kampanje su imale nevjerovatan odjek u javnosti. Kreiran je raznovrstan set promo materijala, obuhvaćene su različite ciljne grupe (radnici/e zaposleni u privatnom sektoru, ljudi koji su ostali bez posla, oni koji su u potrazi za poslom, oni koji su se vratili iz susjednih zemalja, poslodavci - vlasnici lokala, frizeri, vlasnici kozmetičkih salona, žene radnice u fabrikama, samoposlugama, pekarama, javnim ustanovama i svim drugim djelatnostima), a organizacije su u realizaciji svojih aktivnosti uključivale kao saveznike brojne aktere iz vladinog i nevladinog sektora.

Kroz kampanje koje su okarakterisane i kao čin solidarnosti identifikovani su osnovni oblici kršenja radnih prava kao što su prinudni odmor, smanjena plata, ukidanje toplog obroka i naknade za prevoz, povećanje obima poslova i prekovremeni rad.

The poster features the RING logo at the top right, which consists of a blue and yellow ring with the text 'RING' and 'Mreža bosanskohercegovačkih nevladinih organizacija za borbu protiv trgovine ljudima'. Below the logo, the text reads: 'Mreža bosanskohercegovačkih nevladinih organizacija za borbu protiv trgovine ljudima – RING, upozorava!'. It then states: 'Prema podacima Međunarodne organizacije rada (MOR), u svijetu su godišnje 2,5 miliona ljudi žrtve trgovine ljudima u svrhu radne eksploatacije.' A section titled 'Radna eksploatacije je:' lists several warning signs: '*Ako radite bez ugovora o radu', '*Ako redovno mjesečno ne dobijate platu', '*Ako vas često tjeraju na neplaćeni prekovremeni rad', '*Ako se od vas traži da za poslodavca obavljate poslove koji vas mogu dovesti u sukob sa zakonom', '*Ako ste ucijenjeni da radite, izloženi nasilju, prinudi, lažnim obećanjima', and '*Ako su vam uzeli lične dokumente...'. It also notes: 'Epidemija virusa Covid 19 ne smije da bude izgovor da neko iskorištava ili prisvaja produkte Vašega rada.' The call to action is 'REAGUJTE!' followed by 'Prijavite radnu eksploataciju bilo kojoj od članica Mreže preko FB stranice Mreže Ring.' At the bottom, it says 'ZAŠTITA OD RADNE EKSPLOATACIJE JE VAŠE LJUDSKO PRAVO!' and provides the Facebook link 'facebook.com/Ringba/'. The bottom of the poster is decorated with a row of various organizational logos.

AKTIVNOSTI UDRUŽENJA „NOVI PUT“ MOSTAR

Udruženje „Novi put” iz Mostara je u periodu od januara do juna 2020. godine, na području HNK realizovalo aktivnosti s ciljem sprečavanja iskorištavanja djece putem interneta. Osim navedenih aktivnosti, udruženje je pružalo informacije o sigurnoj migraciji, načinima zaštite od svih oblika trgovine ljudima, kao i načinima zaštite djece od iskorištavanja i zlostavljanja na društvenim mrežama putem svoje online i telefonske/viber linije za pomoć (telefon broj 060 315 5663). Najveći broj poziva koji je upućen u periodu od januara do marta odnosio se na provjeru oglasa za zapošljavanje i prijavu nasilja nad djecom te zahtjeva za pružanje stručne psiho - socijalne pomoći u besplatnom savjetovalištu za djecu, koje funkcioniše pri udruženju. Nakon izbijanja pandemije i zaključno s izvještajnim periodom, povećao se broj poziva na liniju za pomoć, međutim, najveći broj poziva se odnosio na prijavu nasilja nad ženama i djecom, dok nije bilo upita vezanih za sigurnu migraciju. Nakon proglašenja pandemije i uvođenja mjera fizičke distance, tim udruženja je sve savjetodavne usluge nastavio da pruža isključivo putem interneta, a s obzirom na povećanje broja slučajeva nasilja u porodici, udruženje je proširilo svoje usluge na žene i djevojke, a pored psiho-socijalnog savjetovanja, pružalo je i usluge pravnog savjetovanja.

MJERE PODRŠKE U BiH KAO ODGOVOR NA COVID-19

Deutsche Gesellschaft für Internationale Zusammenarbeit (GIZ) u okviru projekta Prevencija i borba protiv trgovine ljudima na Zapadnom Balkanu (PaCT) izvršio je nabavku zaštitne opreme i sanitarnih proizvoda kao odgovor na COVID-19. Oprema i proizvodi su predati: Udruženju „Zemlja djece u BiH“ Tuzla, Centru za socijalni rad Tuzla, Udruženju „Otaharin“ Bijeljina i Centru za socijalni rad Bijeljina. Preko 1000 zaštitnih maski, 400 pari zaštitnih rukavica od lateksa, 70 komada sredstava za dezinfekciju ruku i kože i 50 komada sredstava za dezinfekciju prostora, podijeljeno je u ove dvije zajednice. Glavna ciljna grupa ove podrške su ranjive skupine, članovi mobilnih timova za identifikaciju žrtava trgovine ljudima, migranti u sigurnim kućama, romske zajednice, ali i osobe koje rade u tim organizacijama i institucijama, a žene i djevojke, a pored psiho-socijalnog savjetovanja, pružalo je i usluge pravnog savjetovanja.



Kroz projekat Prevencija i borba protiv trgovine ljudima na Zapadnom Balkanu (PaCT) Deutsche Gesellschaft für Internationale Zusammenarbeit (GIZ) podržao je izradu Strategije za borbu protiv trgovine ljudima 2020-2023. Podrška se zasnivala na angažovanju stručnjaka za revidiranje postojeće i izradu nove Strategije, organizovanju konsultativnih radionica, lektorisanju, štampanju i prevodu Strategije na engleski jezik. Kao podrška borbi protiv trgovine ljudima Deutsche Gesellschaft für Internationale Zusammenarbeit (GIZ) je u maju 2020. godine potpisao ugovor o grantu sa World Vision International u BiH koji će trajati do kraja juna 2022. godine. U okviru granta biće urađena analiza i mapiranje dobrih praksi u regionu te podrška uspostavljanju mobilnih identifikacijskih timova (MIT) u odabranim zajednicama i podrška njihovom radu. Zatim će u 5 migrantskih kampova u BiH biti uspostavljene mjere psihosocijalne podrške i realizovane preventivne COVID-19 mjere.

PROCJENA PRIMJENE PROTOKOLA ZA POSTUPANJE U SLUČAJU PROSJAČENJA DJECE U TK U PERIODU 2015. - 2019. GODINA

U Tuzlanskom kantonu od 2014. godine na snazi je Protokol za postupanje u slučajevima prosjačenja, skitnje, radne eksploatacije i drugih vidova zloupotrebe djece, kojim se na području ovoga kantona uspostavlja referalni mehanizam za prevenciju i zaštitu djece žrtava prosjačenja i drugih oblika eksploatacije. Potpisnici Protokola su Ministarstvo za rad, socijalnu politiku i povratak, Ministarstvo unutrašnjih poslova, Ministarstvo zdravstva, Ministarstvo obrazovanja i nauke, Osnovni sud u Tuzli i Udruženje „Zemlja djece u BiH“.

Kako bi se sagledala funkcionalnost i efektivnost primjene ovog Protokola u periodu od 2015. do 2019. godine, Udruženje „Zemlja djece u BiH“ je u okviru projekta „*Monitoringom ka ukidanju modernog ropstva*“, koji je podržan od strane Međunarodnog foruma solidarnosti-Emmaus, a u okviru projekta Balcans Act Now (BAN-Faza III) koji je podržan od EU, provelo empirijsko istraživanje kojim je obuhvaćeno preko 60 relevantnih institucija i ustanova iz 13 opština u Tuzlanskom kantonu, koje su odgovorne za primjenu Protokola. Istraživanje je provedeno u periodu od 19.02. - 09.03.2020. godine. Za potrebe istraživanja

urađeni su sektorski upitnici, koncipirani u skladu sa nadležnostima institucija i njihovim obavezama iz Protokola.

Najvažniji rezultati istraživanja predstavljeni su na javnom događaju, održanom dana 17.06.2020. godine u Tuzli, na kojem su prisustvovali predstavnici svih relevantnih institucija i ustanova te veliki broj medija. Događaj je organizovan u partnerstvu sa Ministarstvom za rad, socijalnu politiku i povratak TK. Važno je istaći da su rezultati istraživanja u potpunosti integrisani u dokument „Informacija o primjeni Protokola za postupanje u slučajevima prosjačenja, skitnje, radne eksploatacije i drugih vidova zloupotrebe djece u periodu 2015.-2019. godina“, koji je, shodno Zaključku Skupštine TK, broj: 01-02-84-16/20 od 14.02.2020. godine, izradila radna grupa koju je imenovalo Ministarstvo za rad, socijalnu politiku i povratak, a koji je Vlada TK usvojila na svojoj redovnoj sjednici održanoj 19.04.2020. godine.



Imajući u vidu realizirane mjere potpisnika Protokola i rezultate istraživanja o njihovim efektima, može se zaključiti da su, zahvaljujući multisektorskoj saradnji i dosljednoj primjeni Protokola, u periodu od 2015. do 2019. godine na području Tuzlanskog kantona postignuti značajni rezultati, kako u razvoju i primjeni mjera intervencije kod pojave prosjačenja djece, tako i suzbijanja i prevencije ovog oblika eksploatacije djece.

AKTIVNOSTI KOORDINACIONOG TIMA ZA BORBU PROTIV TRGOVINE LJUDIMA TUZLANSKOG KANTONA



Dana 21.05.2020. godine, u prostorijama MUP-a TK-a održana je konstituirajuća sjednica Koordinacionog tima za borbu protiv trgovine ljudima Tuzlanskog kantona, na kojoj su dogovoreni pravci budućeg djelovanja u okviru nadležnosti Tima.

Naime, Vlada Tuzlanskog kantona je 03.03.2020. godine donijela Odluku o osnivanju Koordinacionog tima za borbu protiv trgovine ljudima, s ciljem poboljšanja funkcionalnih veza i saradnje između nadležnih organa vlasti i nevladinih organizacija na području Tuzlanskog kantona. Aktivnosti Koordinacionog tima su usmjerene ka tome da kroz plansko i usklađeno djelovanje doprinesu suzbijanju i sprečavanju trgovine ljudima.

Članovi Koordinacionog tima su predstavnici MUP TK-a, Kantonalnog tužilaštva Tuzlanskog kantona, Ministarstva pravosuđa i uprave TK-a, Ministarstva za rad, socijalnu politiku i povratak TK-a, Ministarstva obrazovanja i nauke TK-a, Ministarstva zdravstva TK-a, Centara za socijalni rad Tuzla, Lukavac i Živinice, nevladinih organizacija „Emmaus” Doboj Istok i „Zemlja djece” Tuzla. Nakon formiranja Koordinacionog tima, policijski službenici Odjeljenja za borbu protiv organizovanog kriminaliteta MUP-a TK podnijeli su Izvještaj o počinjenom krivičnom djelu Trgovina ljudima iz člana 210a KZFBiH, kojom prilikom su lišili slobode dva lica zbog postojanja osnova sumnje da su duži vremenski period vršili seksualnu eksploataciju više ženskih osoba, od kojih su neke bile maloljetne.

SEKTORSKE OBUKE ZA PREDSTAVNIKE NADLEŽNIH INSTITUCIJA U MEHANIZMU BORBE PROTIV TRGOVINE LJUDIMA U BIH



Međunarodna organizacija za migracije u BiH je u saradnji sa Ministarstvom bezbjednosti BiH u januaru i februaru 2020. godine, organizovala sektorske obuke za predstavnike inspektorata rada, zdravstvenih i obrazovnih institucija iz cijele Bosne i Hercegovine, sa fokusom na ulogu i značaj ovih institucija u identifikaciji i postupanju sa (potencijalnim) žrtvama trgovine ljudima i sa posebnim osvrtom na pravila i procedure u postupanju ovih institucija sa (potencijalnim) žrtvama trgovine. Obuke su organizovane u okviru projekta „Kratkoročna i srednjoročna podrška jačanju napora u borbi protiv trgovine ljudima u BiH”, koji podržava USAID BiH.

JAČANJE KAPACITETA ZA IDENTIFIKACIJU TRGOVINE LJUDIMA U MJEŠOVITIM MIGRACIONIM TOKOVIMA

U okviru projekta „Kratkoročna i srednjoročna podrška jačanju napora u borbi protiv trgovine ljudima u BiH” koji podržava USAID BiH, IOM BiH je poduzeo aktivnosti na unapređenju postupaka identifikacije žrtava trgovine ljudima u mješovitim migracionim tokovima sa sljedećim rezultatima:

- Više od 150 zaposlenika IOM-a u privremenim prihvatnim centrima u BiH pohađalo je online trening za interaktivno učenje vlastitim tempom pod nazivom „Zaštita i pomoć žrtvama trgovine ljudima”. Trening je dostupan za sve zainteresovane na linku: <https://www.ecampus.iom.int/enrol/index.php?id=58>.


- U bliskoj saradnji i partnerstvu sa Uredom državnog koordinatora za borbu protiv trgovine ljudima, razvijen je mini referalni mehanizam za uposlenike privremenih prihvatnih centara koji uključuje imenovane kontakt tačke iz SIPA-e i Tužilaštva BiH. duži vremenski period vršili seksualnu eksploataciju više ženskih osoba, od kojih su neke bile maloljetne.

Trafficking in Persons: Protection and Assistance to Victims

This course addresses the definition of human trafficking and its features, as well as the difference between it and migrant smuggling and other related crimes. It also reviews the history of this crime and explains why it is important to consider the various profiles of people who are involved in migration processes.


- Learning modality:** Self-paced, 100% Online
- Date:** Available all year
- Duration:** Approximately 3 hours
- Language:** English
- Cost:** Free
- Geographical Coverage:** Latin America and The Caribbean

STATISTIČKI PORTAL ZA IDENTIFIKOVANE ŽRTVE TRGOVINE LJUDIMA




Izrada statističkog portala za evidenciju identifikovanih žrtava trgovine ljudima jedna je od glavnih preporuka GRETA izvještaja u vezi sa primjenom Konvencije Vijeća Evrope o borbi protiv trgovine ljudima. Slijedom ovih preporuka i u saradnji sa Uredom državnog koordinатора za borbu protiv trgovine ljudima, IOM BiH je u okviru projekta „Kratkoročna i srednjoročna podrška jačanju napora u borbi protiv trgovine ljudima u BiH“ koji finansira USAID BiH, podržao uspostavu prvog sveobuhvatnog statističkog portala za evidenciju identifikovanih žrtava trgovine ljudima u BiH. Portal je aktivan od 01.07.2020. godine.

PODRŠKA USPOSTAVI LOKALNIH KOORDINACIONIH TIMOVA I IZRADI LOKALNIH AKCIONIH PLANOVA



Izrada lokalnih akcionih planova je prvi zadatak novoformiranih regionalnih monitoring timova u skladu sa Strategijom za borbu protiv trgovine ljudima BiH 2020 – 2023. Lokalni akcioni planovi unaprijedit će odgovor lokalnih vlasti na potrebe sprečavanja, suzbijanja i pružanja zaštite žrtvama trgovine ljudima u Bosni i Hercegovini. IOM BiH je u junu 2020. godine organizovao specijalizovane treninge za predstavnike sedam kantona u kojim su uspostavljeni lokalni koordinacioni timovi ili imenovani koordinatori lokalnih koordinacionih timova, a na kojima je predstavljen prijedlog metodologije i obrasca prioriternih akcionih planova. IOM će u narednom periodu nastaviti pružati podršku lokalnim koordinacionim timovima. Specijalizovani treninzi organizovani su u okviru projekta „Kratkoročna i srednjoročna podrška jačanju napora u borbi protiv trgovine ljudima u BiH“ koji finansira USAID BiH, a implementira IOM BiH.

SASTANAK MREŽE SPECIJALIZOVANIH TUŽILACA I ISTRAŽILACA ZA BORBU PROTIV TRGOVINE LJUDIMA



Ministarstvo pravosuđa SAD/Program za razvoj, pomoć i edukaciju tužilaštava u inostranstvu (US DoJ/OPDAT) i Međunarodna organizacija za migracije (IOM) kroz projekt kojeg finansira Agencija Sjedinjenih Američkih Država za međunarodni razvoj (USAID BiH), u saradnji sa Tužilaštvom Bosne i Hercegovine, organizovali su 18.6.2020. godine prvi virtualni sastanak tužilaca i istražilaca za borbu protiv trgovine ljudima, uz sudjelovanje predstavnika međunarodnih organizacija aktivnih u oblasti borbe protiv

trgovine ljudima. Zaključkom sastanka glavnih tužilaca i rukovodilaca policijskih agencija koji je održan 20.12.2019. godine, uspostavljena je Mreža specijalizovanih tužilaca i istražilaca za borbu protiv trgovine ljudima. Održavanje prvog sastanka odloženo je zbog epidemiološke situacije, pa je ovaj virtualni susret bio prva prilika da članovi Mreže razgovaraju o trenutnoj situaciji i perspektivi borbe protiv trgovine ljudima. Učesnicima sastanka obratio se i američki ambasador u BiH, Eric Nelson, još jednom potvrđujući da je američka vlada spremna podržati BiH da učini što više u sprečavanju trgovine ljudima. duži vremenski period vršili seksualnu eksploataciju više ženskih osoba, od kojih su neke bile maloljetne.

POSJETA PREDSTAVNIKA USAID-a U BOSNI I HERCEGOVINI

U februaru 2020. godine MFS-EMMAUS su posjetili zamjenica glavnog administratora Američke agencije za međunarodni razvoj (USAID) Bonnie Glick, ambasador Sjedinjenih Američkih Država u Bosni i Hercegovini Eric Nelson i direktorica USAID-a u BiH Nancy Eslick, sa delegacijom iz Washingtona. Tokom ove posjete se razgovaralo o trgovini ljudima u Bosni i Hercegovini i odgovoru BiH institucija i nevladinih organizacija uključujući napore MFS Emmaus. Tom prilikom je g-đa Glick pohvalila rad Udruženja MFS-EMMAUS kao organizacije koja preko 20 godina radi na direktnoj pomoći žrtvama ovog krivičnog djela u BiH, ali istovremeno i na razvoju politika djelovanja u ovoj oblasti, izgradnji kapaciteta profesionalaca i povećanju svijesti bh. građana o trgovini ljudima, posebno djecom u BiH i široj regiji. duži vremenski period vršili seksualnu eksploataciju više ženskih osoba, od kojih su neke bile maloljetne.

IZRADA MINIMALNIH STANDARDA ZA PRUŽANJE KVALITETNE POMOĆI I ZAŠTITE ZA ŽRTVE TRGOVINE LJUDIMA U BIH

Sredinom maja 2020. godine počele su aktivnosti na razvoju i izradi Minimalnih standarda za pružanje kvalitetne pomoći i zaštite za žrtve trgovine ljudima u BiH, sa posebnim fokusom na djecu, koji će služiti kao krovni okvir i unificirani stav o standardiziranoj kvaliteti usluga, zaštite i postupanja na koju žrtve trgovine ljudima unutar državnog referalnog mehanizma imaju zagarantovano pravo. Standardi mogu poslužiti svakom pojedinačnom tijelu unutar DRM kao putokaz za izradu preciznih uputa o postupanju prema i sa žrtvama trgovine u nadležnosti istih a u smislu poboljšanja zaštite i kvalitete pruženih usluga.

IZRADA STATISTIČKOG PREGLEDA STRUČNJAKA UNUTAR DRŽAVNOG REFERALNOG MEHANIZMA U BIH KOJI IMAJU SPECIFIČNA ZNANJA I VJEŠTINE IZ OBLASTI SUZBIJANJA TRGOVINE LJUDIMA

U saradnji sa Odsjekom za borbu trgovine ljudima Ministarstva sigurnosti Bosne i Hercegovine, početkom juna završeno je mapiranje i započete su aktivnosti na izradi statističkog pregleda stručnjaka unutar državnog referalnog mehanizma u BiH, koji imaju specifična znanja i vještine iz oblasti suzbijanja trgovine ljudima. Osnovni cilj ove aktivnosti je podrška sistematizovanju procesa izgradnje kapaciteta državnog referalnog mehanizma u BiH ali i pružanje kvalitativnog pregleda sadašnjeg stanja a u svrhe boljeg planiranja budućih obuka. Ovaj interaktivni alat bit će dostupan preko stranice Ministarstva sigurnosti.

SPORAZUM O NAUČNOJ, OBRAZOVNOJ I STRUČNOJ SARADNJI

U maju 2020. godine potpisan je Sporazum o naučnoj, obrazovnoj i stručnoj saradnji između MFS-EMMAUS-a i Fakulteta kriminalistike, kriminologije i sigurnosnih studija Univerziteta u Sarajevu. Ovim aktom, MFS EMMAUS i FKN potvrđuju višegodišnju plodonosnu saradnju i namjeru nastavka aktivnosti uvođenja inovacija i najboljih praksi u nastavni sistem a kako bi se akademskoj zajednici dao veći prostor za doprinos, u smislu podizanja svijesti bh. društva o problemu trgovine ljudima a studentima omogućio neposredan pristup aktivnostima suzbijanja trgovine te zaštite prava žrtava.

OBUKA ZA STUDENTE

Dvije obuke za praćenje postupaka trgovine ljudima i srodnih djela pred sudom su organizovane 13. i 20. maja 2020. u Mostaru u saradnji sa Fakultetom kriminalistike, kriminologije i sigurnosnih studija u Sarajevu i Pravnim fakultetom Univerziteta Džemal Bijedić iz Mostara. Ciljane obuke, kojima je prisustvivalo 50 studenata, predstavljaju ulaganje u buduće profesionalce koji mogu biti dijelom državnog referalnog mehanizma za borbu protiv trgovine ljudima u BiH. Učenjem kroz redovnu formalnu edukaciju budući kadrovi organa za sprovedbu zakona bolje razumiju temu i pojavne oblike ovog krivičnog djela. Ove obuke takođe doprinose kreiranju jače podržavajuće atmosfere za žrtve trgovine ljudima tokom samih pretresa te tokom parnica u kojima kao oštećena strana zahtijevaju naknadu štete od učinioca. studentima omogućio neposredan pristup aktivnostima suzbijanja trgovine te zaštite prava žrtava.

PRIRUČNIK ZA PRAVNIKE I PRAVNE ZASTUPNIKE NA PRUŽANJU ADEKVATNE PRAVNE POMOĆI I ZASTUPANJA ŽRTAVA TRGOVINE LJUDIMA U BIH

U Konjicu je, u martu 2020. godine, održan prvi sastanak radne grupe za izradu Priručnika za pravnike i pravne zastupnike na pružanju adekvatne pravne pomoći i zastupanja žrtava trgovine ljudima u BiH, čime je započeo proces izrade priručnika za pravnike i buduće pravne zastupnike za žrtve trgovine ljudima. Izrada Priručnika, prilagođenog za upotrebu u kontekstu BiH, će olakšati pristup pravdi za žrtve trgovine, jer će Priručnik služiti kao praktičan alat i podsjetnik pravnoj struci na poboljšanja postupanja sa žrtvom i žrtvom svjedokom u postupcima pred sudom kojim se u većoj mjeri štite ljudska i druga zakonima zagarantovana prava. Priručnik se izrađuje u saradnji sa advokatskim komorama i CEST-ovima oba entiteta u Bosni i Hercegovini te će po završenom procesu katalogizacije biti uvršten kao obrazovni materijal za redovne obuke sudija i tužilaca u Bosni i Hercegovini.

UČEŠĆE NA REGIONALNOJ KONFERENCIJI U BEOGRADU

Delegacija BiH/radna grupa za izradu izvještaja o stanju u oblasti trgovine ljudima „MONITORING I EVALUACIJA politika suprostavljanja fenomenu trgovine ljudima u Bosni i Hercegovini“ za 2018. godinu, je 12. i 13. marta 2020. godine, učestvovala i prezentovala izrađeni izvještaj na Regionalnoj konferenciji u Beogradu u organizaciji partnerske organizacije ASTRA, a u sklopu projekta „Balkans Act Now – BAN“ koji na području BiH implementira MFS-EMMAUS. Izvještaj radne grupe i BiH ocijenjen je na Konferenciji kao najsveobuhvatniji od svih zemalja učesnica ovog projekta. Izvještaj je izrađen prema unificiranim matricama za praćenje pridržavanja politika utvrđenih za potrebe suzbijanja trgovine ljudima te pružanja pomoći i podrške žrtvama.



DRŽAVNI KOORDINATOR ZA BORBU PROTIV TRGOVINE LJUDIMA I ILEGALNE MIGRACIJE U BIH

Ministarstvo sigurnosti BiH
Trg BiH
71000 Sarajevo
Bosna i Hercegovina

Tel.: +387 33 492 455
+387 33 492 452
+387 33 492 420
+387 33 710 530
Fax: +387 33 710 531
e-mail@ureddk@msb.gov.ba

osce Organization for Security and
Co-operation in Europe
Mission to Bosnia and Herzegovina

Misija OSCE-a u BiH je podržala izradu ovog materijala.
Svako gledište, izjava ili mišljenje, izraženo u ovoj publikaciji, a za koje nije izričito naznačeno da potiče iz Misije OSCE-a u BiH,
ne odražava nužno zvaničnu politiku Misije OSCE-a u BiH.